

बाबा आयो रे भादरवो मास

ए हे बाबा आयो रे भादरवो मास,
रुनिचे मारो मन लागो,
मरे उठी रे हिवड़े रे हिलोर... रुनिचे मारो मन लागो,
अजमल जी रा कवर कहावो,
बाई सुगना रा बीर ,
ऐ हे माता मेना दे रा लाल पूजावो,
रानी नेतल रा जीव रुनिचे मारो मन लागो.....

बीज भादवा बाबा मेलो भरसी,
दुनिया थारो जय कारो करसि,
ऐ हे .दुखिया रा दुखड़ा बाबो हरसि,
धाम जागे रे हमेश... रुनिचे मारो मन लागो.....

लाखो बणजारो बालद लायो,
जुट बोल्यो बाबा लूण बणायो,
ऐ हे हाथ जोड़े शरणा में पड़ियो,
लूण री मिसरी बने.. रुनिचे मारो मन लागो.....

हरजी भाटी बाबा चवर दुलायो,
धरम तंवर थारो भजन सुनायो,
ऐ हे हेलो मारो सुनो धनी राम देव,
गांव रुनिचे बुलाय.... रुनिचे मारो मन लागो.....

<https://bhajanganga.com/bhajan/lyrics/id/31415/title/baba-aayo-re-bhadrwo-maas>

अपने Android मोबाइल पर [BhajanGanga App](#) डाउनलोड करें और भजनों का आनंद ले |